

sigen/ vnd zu bemühen. / Vnd nach dem ich/ etliche Jar her/ ihn guter vnd vngewisselter
hoffnung gestanden/ das solches von vilen andern geschehen/ vnd versucht wurde werden/ vñ
doch bis hie her/ sich keiner gefunden/ der sich meiner hoffnung nach/ solches het vnderfangen
wollen / vnd mich vile der guten freunde vnd sündeliche lieb haber / aller erlichen künst vñnd
vbung / mit hochstem fleiß ersucht/ gebeten/ vnd vber meinen willen/ getrieben/ vnd schier genö-
tigt haben/ ferner etwas ahn tag zubringen/ vnd ihn druck zuuerfertigen / vñnd ich ihren stet-
lichen bitten vñnd ahnhalten / billicher weiß nichts hab können abschlagen noch versagen
hab ich ferner etliche künstliche stück/ Preambel / vñ Tenz / darinnen sündeliche liblikeit/ ganze/
vnuertunkelte / vnd vnzerissne Coloratur / auch sündeliche verborgene / griff / vñnd art / vns
Teutschen vngewandt / vormals nicht vil gesehen/ mit vier stimmen von den berumbsten wel-
schen Lutnisten gesetzt / mit sunderm fleiß aus vielen zusammen gelesen/ vnd auß welscher tabu-
latur in teusche gebracht vnd in den truck verfertigt.

Vnd wie wol ich besorge/ daß diese mein muhe/ fleiß vnd arbeit / vielen nicht gefallen/ sun-
der mehr von jnen getadelt/ veracht/ verlacht vnd verspot wirdt werden/ Doch so hab ich mich
solche leichtfertigkeit/ derer/ so leichtlicher ein ding tadlen vnd verachten / dann besser machen
können/ nicht wollen lassen irren noch abschrecken/ angesehen/ das ihr spotten vnd hören nichts
newes/ vnd das solches nicht Ihnen zu gut/ noch vmb ihrent willen/ auch nicht einnige eh-
noch rhum dadurch zu erlangen fürgenommen ist/ sünd er wie gesagt/ der Jugent damit zudienet
vnd andern Meystern / die es vielleicht besser können anreizung zugeben/ sich ferner inn der-
gleichen vnd bessern/ zu bearweiden vnd zu bemühen/

Vnd nach dem / nicht allein mir/ sünd er auch vilen andern wol bewust ist/ daß ihr ein son-
derlicher liebhaber aller künst/ sünd erlich aber der holtseligen vnd freudmachenden Musica
darzu